


梁溪先生文集

一



據上海圖書館藏宋刻本影
印原書版框高二十三·一
釐米寬十七·五釐米

梁谿先生文集

詩

十三十四

咸豐辛丑孟冬訪均初見於川沙鄉之七靈下榻寐董
室法書名畫日出享客皆平生願見而不易觀者况干戈
擾攘作此冷淡生澁此亦此主真欽奇歷落可吸人也此
宋李忠宣文集殘本古色古香一鱗片羽足可珍貴也冬
汪氏藝芸散書僕亦收得百餘種惜無乳淨土藏儲今討
均初更增歎羨其兼寶之子晉徐康謹識 見子元正侍



[Faint bleed-through text from the reverse side of the page, including characters like '咸豐辛丑' and '均初更增']

梁銘詩

梁銘先生文集卷第十三

在沙陽及還至崇安作四十八首

宋本

登凝翠閣觀月

乘泛碧齋分韻得泛字

志宏得碧字以詩來次其韻

興宗得齋字以詩來次其韻

凝翠晚望五絕

秋意二首

和唐人張為秋醉歌

讀陸龜蒙散人歌

巖桂墮藥

遊栖雲寺

自西津乘泛碧齋歸邑小雨

御筆許牽復有感

畫荔枝圖

叢菊數日來頗有開意戲題

得了翁書寄石芝

和鄒去來集字十首 并序

藏書印

潘祖蔭藏書印

金剛山藏書印

藏書印

藏書印

送光宗廟諱維詩赴舉

從人於柳木得芝

將去沙陽留別鄧李明諸公

叙別疇老

自沙陽乘泛碧齋至洛陽口

留題雙溪閣呈皇南劔守謝少卿

黃道夫約遊無名庵

奉酬陳之元教授見贈

謝德夫約遊開平寺

謝守送別至黯澹寺

長灘驛次韻陸光宗廟諱禮留題二絕

題黃亭驛

武夷行并序

泛遊仙溪

別武夷途中偶成

寄題觀雲軒

崇安令送示武夷圖

九月十五日夜同陳興宗鄧志宏登巖翠

閣觀月

溪閣臨虛面勢寬涼天佳月共追歡漁舟忽動水光
碎桂魄未高山影寒色染林巒煙漠漠氣侵笑語露
漫漫須知此景人間少更泛蘭齋遠處看

是夜復乘泛碧齋至北溪口觀新橋與興

宗志宏分題予得泛字

秋高氣倍清夜靜舟初泛露華浩如洗月色寒可鑒
林巒與邑屋左右入軒檻晶熒星影搖茜翠山光蘸
風微煙暮暮溪遠波湛湛端疑客乘槎坐使雲河犯

三五

卷六

四

觀梁且停撓戀月愁擊纜景幽費模寫思妙造古淡
吾方久於此勝賞豈云暫願同二三子險韻時得探
志宏得碧字以詩來次其韻

明月照清溪影落千尋碧輕風皺微瀾蕩漾搖金色
相攜理桂楫及此萬籟寂天空露氣寒棲鳥正縮瑟
何人起秋思數弄月中笛坐使遷客情悽然感去國
清遊得英俊勝賞飽泉石豈殊在吾家親戚欵於側
賦詩各言懷險韻對勅敵歸來氣未衰開匣看三尺

興宗得齋字以詩來次其韻

佳月霽秋色脩然感予懷言攜二三友泛此溪中齋
風露生高里屋木憑兩涯淒微煙霧合芬馥天香來
恍若度雲漢奔月遊瑤臺灑氣集肺腑灑濯無纖埃
沉沉夜寥聞廻舟興悠哉澄波靜如練何異浮江淮
但恨景物美實難賦詠才斯文當共勉天意屬吾儕

凝翠晚望五絕句

白蘋紅蓼浦汀洲浙浙西風古渡頭寒日無情又西
下清溪不語水東流

桂香泛泛蒲秋風十里沙溪一望中景物隨時慰牢
落羈臣那解感飄蓬

日輪隱隱落西山尚有殘陽木杪間暮暮朝朝成底
事可憐飛鳥自知還

林中輕素起寒煙兩兩飛鷗傍釣船心在江湖歸未
得晚來幽獨更悽然

白雲點破亂山青影落寒谿晚更明誰謂天涯無鴈
到雖雖初聽兩三聲

秋意二首

蕭蕭南浦白雲秋楓葉蘆花相對愁何必更窮千里

目亂山凝碧蒲溪樓

清霜夜落梧楸

英廟
嫌諱

脫葉驚風墮如雨一番掃盡一

番新策杖閑將黃葉數

和唐人張為秋醉歌

秋色愈淒緊感此梁谿翁煙水出砂石風霜脫梧桐
歲晏無與歡步屨攜蒼筇俯視檻中菊仰瞻峯頂松
有酒聊自適旋滴真珠紅長鯨吸百川坐使玉樽空
念古壯氣激懷家歸興濃陶然不知醉如墮煙霧中
醉竟眇安往夢渡江水東鬢生六鬢飄忽騰雙龍

醒來無所見溪冷山重重紗牕透殘月瓦枕來踈鍾
起視夜將闌星河粲玲瓏乘風欲輕舉骨肉疑都融
却思向來醉豈離方寸地長醉不用醒蕭然謝名利

讀陸龜蒙散人歌三復而悲之賦詩以卒

其志

江湖散人氣節竒布衣韋帶霜鬢垂有田甫里多水
潦闔門百指長號飢躬耕粗足輸賦稅時赴嘉客同
襟期西風立澤起秋色菰蒲初熟鱸鱖肥扁舟乘興
不知晚筆牀茶竈常相隨著書叢雜自編錄巧怪不

擇文與詩那能枉道竊爵祿但欲亂世全妻兒曾中
豈無佐時略却笑諸郎殊不知當年富貴盡磨滅惟
有夫子傳於斯三高名配范與李散人雖散元非癡
巖桂再開尤盛汲水養之其香蒲室墮藥
几案間燦然可愛嗅玩因為賦小詩
桂華十里凌霜空再開愈覺秋光濃幽人贈我不知
數芬馥飄蒲禪房中簌簌風枝墮煙藥璀璨金英露
案几不須掃去任飄零從使清香在毫紙

遊栖雲寺

清曉戒徒御出郊爲勝遊霜林半搖落肅穆天地秋
散策陟峻嶺憑高瞰清流禪居得蘭若迥覺林泉優
露草淒更碧風松鬱相繆山空鍾磬響地勝池臺幽
竹色森不改桂香泱泱浮經行豈蓮社景物如虎丘
流水人寂寂歸雲晚悠悠惜哉光景促妙賞難淹留
却步出山徑猶迴戀山眸登臨興未盡更理溪中舟
白西津乘泛碧齋歸邑小雨

亂山深亂
翠光浮山寺歸來泛彩舟十里峯巒凝翠
靄一溪煙雨灑清秋漁燈照水明還暗野桂飄香散

不收只向畫中求好景不知身在畫中遊

是日聞報 御筆許牽復有感

聞有佳音自日邊羈臣感極却悽然矜愚本自加三
宥作賦休云謫九年戲膝但能紆綵服侍香那復望
青氈恩隆天地當何報擊壤為眊老一鄽

畫荔枝圖

南閩荔子名四方非因謫官那得嘗丁香為核玉為
葉絳綃為殼冰為瓢烟如明珠出老蚌燦如豔女披
紅裳膜凝雲母本來薄液貯甘露初不漿剖擊頗訝
水晶滑咀嚼但覺瓊瑤香貢餘雖幸得一飽無那品
目多難詳丹青巧為拂絹素數種磊落皆其良牛心
最大蚌殼褊虎皮斑駁龍牙長火山早依炎氣熟中
元晚待秋風涼色奇更變江家綠味旨尤稱十八娘
葡萄結實極繁盛疏黃著子何芬芳若將牡丹與比
並好把陳紫同姚黃雖云香味不可畫悅目自足垂
虛堂飮餐更得畫歸去須信遠謫元非狂

畫菊數日來頗有開意戲題

愛菊如淵明憑欄惜花晏朝來有開意嫩葉肥欲綻

願承玉露薄一吐金英繁臨風嗅馨香爲爾發三歎
待了翁書并寄石芝云其味初淡中苦已

而發甘鮮有此味者感而賦詩

海日氣射蒼崖根石上生芝乾蘇文

高廟御諱

梯採掇資

好事中有至味難爲言豈惟食淡兼攻苦嚼蠟茹茶
多欲吐清甘徐發齒頰間漱以寒泉如飲乳幽人贈
我意已深一掬可比千黃金世間此味知者鮮往往
旣吐還追尋我欲持之獻君子自古至言多逆耳願
於苦處辨忠良若待迴甘真晚矣

次韻和歸去來集字十首

并序

予初抵沙陽嘗和陶淵明歸去來辭然竊意歸期未
可以歲月計也近聞例許牽復真得歸矣偶讀玉局
翁歸去來集字因次其韻簡諸弟

少負丘壑志誤嬰軒冕榮剛腸難隱忍懶性倦將迎
學佛欣自得謫官知物輕悠悠勢利子千古見交情
壯志已衰落頽然成懦夫編須休虎穴曳尾且龜塗
松菊猶可埤田園將欲蕪親朋悅情話濁酒在觴壺
軒冕豈足戀田園誠可歡村村自花柳物物寄游觀

舊事不復憶吾生良易安南牕審容膝歸去學鯢廟

御諱

聞說詔初下預知歸有期趣裝行去矣俟命且安之
出處宛如夢去來惟有詩為傳千里信先報棣華知
曠蕩推新澤迂踈念昔非休為賈生賦且治老萊衣
報國撫長劔懷親歌式微憑高望吳越千里白雲飛
寤寐在親所得歸欣載奔綵衣猶在笥素髮已垂門
遣興詩千首忘憂酒一罇歸歟理三徑松菊故應存
歸去復歸去溪山蒲眼前公垂餘舊館鴻漸目甘泉

三十一

九

危十八

結宇依青嶂開池浸碧天餘波到山下更漑萬家田
薄謫恩已厚聽歸初不留昔來聊坎止今去亦川流
圖史自可樂親朋相與遊罇中常有酒此外復何求
舊隱北山北結廬猶可尋曾傳種松法當遂採芝心
有酒且觴客無絃何用琴一生幾量屐孝宗御名勿廢登

臨

處世若大夢吾生感行休何須縛軒冕且復傲林丘
雲木千巖秀煙波萬壑流志機齊物我魚鳥與君遊

送羅光廟御諱詩赴舉

計借西志不容遲
斲聚還分與願違
丹桂一枝應俯拾
青雲萬里看橫飛
我方譴官陪鳩杖
子欲成名戲綵衣
努力爭先龍虎榜
發揮家學慰庭闈

從人於柳木得芝一本
面徑尺餘體圓而
欹正類荷葉惜其生於僻遠不得與奏
牘爲賦此詩

草木何爲亦發祥
靈芝三秀向沙陽
成叢已茁枯梅上
盈尺還生卧柳傍
葉若圓荷方瀉露
色如紫椹更飄香
惜哉地去長安遠
不使公卿草賀章

二丁九子

四六一三二

九三

將去沙陽留別鄧季明諸公

一載沙陽信有緣
寬恩許去却依然
碧齋翠閣已如
夢明月清風長自妍
溪上客舟橫一葉
篋中詩卷贖千篇
諸公別後應思我
茗飲時時到寓軒

疇老修撰見示七峯吟因成七言十韻律

詩以叙別

謫墮閩山欵棟閣
日親高義慰平生
忘年許結看經社
乘興時參在野旌
三徑高懷窮水石
七峯佳氣入軒楹
舫齋談笑龜魚慣
翠閣吟哦卷軸成
方幸遊從

陪杖屨取將蹤跡歎蓬萍寬恩宥罪千鈞重小艇浮
溪一葉輕北闕未應容接武東臯從此遂躬耕寧親
幸愜區區志去德還深戀戀情般若光中無聚散毗
盧海裏任從橫願公更展垂天翼拭目鵬搏九萬程
自沙陽乘泛碧齋至洛陽口

罪大昔來謫恩寬今許歸碧齋還泛泛翠閣已依依
簫鼓轉山曲旌旗搖夕暉餘霞方散亂倦鳥亦歸飛
頗悟邯鄲夢還尋萊子衣耄倪嗟得去朋友惜相違
詎有甘棠愛徒知蘧玉非勞生成底事歸老釣魚磯

三十一

卷第一

一

留題雙溪閣書呈南劍守謝少卿

華

高廟御諱

何年玉斧修規摹宏麗屬賢侯治成不廢登

臨樂望遠宜窮水石幽千里煙雲瞻北闕四時風景
冠南州山如蟠踞成龍虎劍有雌雄射斗牛天倚筆
峯排玉筍仙留篆石浸銀鈎二川俯瞰丁爲字萬室
傍連孝廟嫌諱結樓罇俎幸容陪勝賞笙歌更覺助清遊
朝雲暮雨滕王閣明月清風白鷺洲夢草惠連留句
法遊山安石繼風流尚能執筆從公賦却恨歸鞍不
可留

黃道夫約遊南山無名菴謁包法師

碧山盤屈白雲凝竹徑通幽水石清門對演仙千古
在道人何事學無名

奉酬陳之元教授見贈次韻

謫官因得窮林泉陶寫聊復資詩篇青岑疊疊山蒲
眼碧波湛湛溪涵天南連海嶠饒霧雨北望吳越淒
風煙感懷觸目還得句但可娛戲那敢傳譬猶候蟲
與時鳥自鳴自己真偶然豈知飄落廣文耳飾以妙
語煩雕鐫與公平生未相識一見傾心誰與易沙陽
百里阻遊從注目寒空暮雲碧鳩來邂逅慰所思况
得新詩飛霹靂我今歸去隱梁谿遠跡江湖養愚直
看公白日上青霄九萬扶搖不勞力

謝德夫約遊開平寺

出郭山村僻尋真殿閣幽雙溪餘賞興五馬故來遊
鍾梵含古思林泉銷客愁歸歟碧雲公羅綺滿蘭舟
謝守送別至黯淡寺

送遠勞爲黯淡行西風斜日嫋雙旌舟如一葉波濤
舞灘作半天風雨聲脩竹拂雲青蒼鬱圓峯對閣翠

崢嶸如公高義今人少行客空餘戀德情

長灘驛次韻陸光廟禮留題二絕句

嫌諱

文彩飄飄青瑣郎朝班同望赭袍光嶺雲深處觀題句使我幡然念帝鄉

當年狂直叩龍墀謫墮閩山省舊非須信寬恩若天地纔周歲律已容歸

題黃亭驛

雲山一帶碧崔嵬迎我南遷又北迴歲籥繞周兩經歷此行端爲武夷來

二百七十一

吳三十一

三

列女立

武夷行 并序

宣和改元之夏予備員左史寓直東省晝寢夢遊武夷山未幾謫官閩中取道山下果符所夢因作賦一篇古律詩近五十首今冬蒙恩北歸復尋舊遊泛遊仙谿登換骨巖致祀十三真君會食觀妙堂因盡錄前所作遺觀妙法師且別賦一篇以述再遊之意目之曰武夷行

憶昨退朝門下省槐影扶踈清晝永瑣窻一枕夢仙山覺來毛骨猶清冷謫官道出武夷山風景翛然似

夢間碧溪九曲山萬疊况值密雪糝煙鬟寬恩今日
容歸去笑指洞天尋舊路霜晴日暖白雲深遙望幔
亭夫一柱羽人導我遊仙谿翠壁蒼崖晚更奇浩歌
快飲縱迴擢星月耿耿風淒淒曉來換骨巖中看玉
潤金堅餘片片三姝駢立映彤霞二水交流縈素練
征鞍欲去更從容仙境靈蹤豈易逢他日追思不可
到夢魂還過七閩中

泛遊仙溪

到閩中而不遊武夷山到武夷山而不

泛遊仙溪皆與不到同予去冬乘小舟
抵晞真館值雪今冬復遊乘月而歸景
物清絕不可名狀因賦詩以紀其實書
遺觀妙法師

去年遊仙滿溪雪今年遊仙一船月武夷已擅天下
奇雪月相輝更幽絕前生定在此山中緣孰重遊六
六峯慙愧真仙借光景恨無道骨與仙風

別武夷途中偶成寄觀妙法師

道妙觀來物物通武夷仙境幸相逢溪流玉雪三三

曲山鑠雲霞六六峯去路歸鞍方眷戀淡煙疎雨正
蒙茸羨師日在神仙窟迴首巖巒紫翠重

寄題觀妙師閣皂山舊隱觀雲軒

獨高廟御諱幽軒福地陰飛雲對面起青岑但知映日能
成色誰信崇朝解作霖冉冉行空寧有跡霏霏出岫
本無心道人默坐觀舒卷至理應符妙意深

崇安令朱邈公達送示武夷圖因成絕句

秀氣蜿蜒作武夷巖巒窈窕白雲飛冉冉遊未盡平生
興六幅生綃畫得歸

梁谿先生文集卷第



梁谿先生文集卷第

四

詩

自分水嶺過江南及辛丑歲作七十五首

自分水嶺過江南

鉛山約高無咎同遊石井

自鉛山迂路至吳園

吳園

留題月巖

宿黃藤驛

弋陽道中

望龜峯

鳴山驛次韻蔡君謨續夢作

四

四

宿安仁雲錦堂

餘干

晚行

題安國寺翠玉亭

題仁義驛范文正公所植六松

迂路由江南歸二首

童子驛見梅花

偶題

又

題建德縣開化寺

題紫巖驛

贈池守張閱道



同天寧聰老遊齊山次杜牧之韻

題弄水亭

自池口登舟

江行十首

遊五松山觀李太白祠堂

舟中讀書有感

銅陵阻風

題護法寺瑛老默堂

次韻瑛老頌

舟泊散潭三首

己丑

卷之十一

一

十一

春睡二首

夜泊繁昌

試九華朱覲墨

未至蕪湖四十里阻風

草宰執書論方寇事戲成

上元舟中有感

夜坐二首

至蕪湖聞賊陷錢塘復爲官軍所得有感

自蕪湖江行至采石

乘月泛禁江一夕至金陵

同李似之遊蔣山

頌示勤老

次韻奉酬李似之見贈

金陵懷古四首

登鍾山謁寶公塔

題定林院

題八功德水

題偃秀軒

得家信報避寇海陵

自金陵江行未至長蘆阻風

四九十一

身兼一四

三

四

又

過長蘆

遊長蘆寺見衆僧已披剃

自分水嶺過江南

行盡閩山萬屈盤江南形勢陡然寬山平水遠望不
盡木落草枯霜始寒醉裏謳吟聊自適夢中往復本
非難誰言春信年年早笑指江梅試折看

鉛山約高無咎同遊石井

巖洞嵌空鑿翠崖一泓雲液貯瓊瑰幽人須信耽泉
石茗飲相招特特來

自鉛山迂路至吳園

迂路入江南寒煙鎖翠嵐清晨遊石井薄暮宿丫巖
月冷不成夢雞號還整驂吳園纔數舍去去指龍潭
吳園

當時親迎到吳園屈指重來十七年身世恍然如一
夢從今歸去老林泉

留題月巖

信州道中

廣寒宮殿寄幽巖息滿非緣玉斧戡皓魄半輪橫道
左清光千古照江南陰精凝結元無質神化胚胎豈
易探好是月華生碧落扶踈桂影遠相參

宿黃藤驛

時聞浙東方寇大作

古驛號黃藤休鞍夜已燈溪寒水清淺山瘦石稜層
豪客路方阻歲寒陰始凝開懷惟仗酒獨酌醉蒼騰
弋陽道中

南去北來皆歲暮流年冉冉過光陰江南須信風煙
好浙右方虞寇盜深雲外山深橫筆格月中灘響疊
琴心卧龍三顧今寥落抱膝空爲梁甫吟

望龜峯

饒陽景物猶武夷巖石崛起多瓌竒此峯厥狀更詭
異舉首曳尾如靈龜穹隆曝甲正霜曉蹒跚引氣當
晴暉故知造化巧凝結欲問所以良難推我疑龍伯
釣溟渤六鼇連引背負歸中途遺一尚巒負直欲赴
海冠莪蕤又疑清江使河伯波濤相失留於斯化為
巨石峙千古雖欲鑽灼無由施茫茫神怪不可詰但
使風景增清輝我來閩嶺厭山水見此還復伸雙眉
頗嗟行役不果到側身西望生長悲

鳴山驛次韻蔡君謨續夢作

一夢神遊紫府天覺來身寄驛亭眠何須悵望吹簫

女獨跨青鸞入翠煙

君謨詩云白玉樓臺第一天琪
花風靜綠鸞眠誰人得似秦上

女吹徹瓊
簫上紫煙

宿安仁雲錦堂

一宿溪邊雲錦堂煙村浮動野梅香沙平水澹近江
浦天闊山遙多夕陽北陸寒凝風眇眇東吳音斷意
茫茫片言無補空來往贏得蕭條兩鬢霜

餘干

歲寒迂路過江鄉歎息飛蓬隨渺茫雲錦洞深煙水

遠琵琶州轉暮灘長
田園歸去荒三徑
金鼓傳聞震一方
極目東吳何處是
斷霞溼靄落殘陽

晚行

歲杪旅懷惡
驅車殘照中
暮雲千里碧
落日半輪紅
掠水起行鴈
隔林聞遠鐘
休鞍僧舍閒
皓月又生東

題安國寺翠玉亭呈平老鄱陽

蘭若何年種
碧瑜凌霄高
節笑楸梧渭川謾說三千畝
杜牧宜誇十萬夫
月舞清陰金影碎
風敲幽韻玉音敷
煩師長養休斤斧
試問江南有此無

題仁義驛歲寒堂范文正公所植六松

江驛森森六本松
蜿蜒枝幹走虬龍
煙滋鱗甲蒼顏老
雲惹須髯美蔭濃
獨立雪霜君子操
曾因風雨大穴封
不栽桃李追時好
歎息前賢意可宗

聞浙東方寇大作道路不通迂路由江南以歸有感二首

理裝適吳會
避寇由江濱
寧知治安世
乃作途窮人
風濤豈不險
舟楫尚可因
失身入畏塗
難以理義陳
平生笑子美
逃亂走跋跋
如今翻自笑
亦須謀此身

此身何足惜上有高年親骨肉幾百口干戈已相鄰
以我此日心知彼無辜倫安得濟川舟載之適通津
徙置安樂土不知戰鬪塵已矣可柰何願爲太平民
東南久無備盜賊起不虞揭竿與荷鋤皆是耕田夫
誰爲捕逐者得官緣苞苴不讀一行字况復知孫吳
厥初既輕敵屢北輒睚眦屯兵非不多一掃不復餘
虎兕出於柙是誰之過歟凶焰陵郡縣良民遭戮屠
坐令腹心地化爲豺豕區除惡當務早溘曼良難圖
王師何日出努力觀廟謨

二七五

果

七

留周

童子驛見梅花

天滑雲腴凝不流歲寒迂騎過南州黃昏孤館沈吟
處賴有江梅慰客愁

江南爲客見江梅似爲行人特特開數點枝頭凝玉
雪隔牕和月送香來

偶題

霜風響枯林曠野慘寒色川路阻且長客子方遠適
東吳眇何在仰羨歸飛翼惟有溪邊梅猶能慰愁寂

又

水落湖乾人取途西風索索響黃蘆沙頭驚起數行
鴈恰似舊藏蘆鴈圖

題建德縣開化寺

路遶江南煙水村梅花的皪正銷魂峯巒影裏過山
邑鞞鼓聲中念故園殘臘未曾看雪舞勁風何事掃
雲屯拙翁自笑平生拙欲叩天閭更一言

題紫巖驛

稚年曾向此途行半世重來若泛萍山徑車聲欣路
坦江村市合厭魚腥連天霜草蕭蕭白蟠嶺雲松鬱
鬱青夕旅懷家歸尚遠暮煙殘照宿郵亭

贈池守張闕道

繡衣執法出霜臺邂逅還如特特來華省舊曾陪笑
語清溪今復接罇壘喜公筆有江山氣顧我心如世
味灰天下蒼生待經濟坐看蟠螫起春雷

同天寧聰老遊齊山次杜牧之韻

東風初起白雲飛禪客相邀步翠微童稚舊遊如夢
到江山今幸假途歸巖巒窈窕籠輕靄鷗鷺翩翩舞
夕暉歸觀庭闈詢往事篋中先整老萊衣

余童稚時
侍親池幕

迨今幾三十年矣
齊山頂有紫微亭

題弄水亭

蕭條秋浦景如秋誰信猿聲使客愁煙英廟嫌諱森森連
遠嶠水田漠漠集飛鷗高樓吹角增離恨古驛停驂
憶舊遊亦欲題詩江祖石謫仙遺跡最風流

自池口登舟

水落溪乾不可舟春潮理擢淺沙頭多風煙浪鱗鱗
起欲雪江雲冉冉浮涉險物情終共畏臨流歸興浩
難收波神借我風帆便鼓拖清江爛熳遊

二日

梁魯卷一四

九

庚子

江行十首

自池陽至銅陵

理擢適江干初欣眼界寬日蒸江氣白風約艣聲寒
蔣詡謀新徑鍾儀只舊冠浮雲休蔽日直北是長安
春江徹底清沙尾見潮生朝氣嗟成霧南風戰作晴
岸移看英廟嫌諱遠船穩信波平覽盡江山勝還悲萬古
情

渺渺春江穩融融午睡脾夢回雙艣急望極片帆孤
皺水風還逆維舟日欲沈雲間有行鴈冉冉下平蕪
春光搖畫鷁江影浸長天浪勢隨潮急渦痕逐艣圓

避風依島嶼防寇問，人煙深念還愁絕。高歌且醉眠
江闊水雲暮，風高舟楫停。落帆歸別浦，宿鴈集廻汀。
霜葉蕭蕭白，煙嵐杳杳青。夜來江色靜，寒浴一天星。
朝來問風信，五兩向南飛。旅泊添春恨，舟行與願違。
併梅空的的，岸柳已依依。寂寞江南路，那知自此歸。
春江望不極，慘淡起層陰。煙雨濛濛濕，雲濤泚泚深。
懷家千里意，報國一生心。歎息知音少，空爲梁甫吟。
晚泊銅陵口，煙村八九家。岸沙崩浪響，江雨帶風斜。
泛泛浮波鴈，悄悄接翅鴉。無情東注水，對爾歎年華。

杳杳楚天闊，悠悠江浦清。便風帆腹滿，順水艣腰輕。
煙澹山逾碧，雲高雨易晴。無心問漁父，濁酒慰平生。
春到江波綠，潮來浦溆深。曉風着五兩，家信抵千金。
笑讀謫仙句，病爲莊舄吟。世途遊歷徧，歸去老山林。

遊五松山觀李太白祠堂

大江東南流，鼓枻江水上。薄遊五松山，獲見謫仙像。
嗚呼天寶間，治亂如反掌。兵戈暗中原，豪傑多長往。
謫仙當此時，逸氣隘天壤。脫身來江東，縹渺青霞賞。
作詩幾千篇，醉筆籠萬象。迄今有遺祠，識者共瞻仰。

嗟予豈後裔愚拙誰復尚珥筆玉殿螭謫官閩嶺瘴
荷恩許生還冒險理歸棹於焉覲仙風足以慰遐想
願言繼清芬何由揖英爽

舟中讀書有感

渺渺波濤浙浙風此身忽在大江東浮家泛宅雲煙
裏思古傷今圖史中盜賊從來能伺釁治安自昔戒
除戎我今惟願兵戈息歸作梁谿老釣翁

銅陵阻風

春色到江渚梅花正斷菟風波留遠擢煙雨濕寒村
鴈過傳遺響潮來沒舊痕淒涼一樽酒愁絕與誰論

二百四十七

卷七 一〇

二

十三

題護法寺瑛老默堂

維摩丈室何年設蒲目江山自風月道中試露默中
機千偈瀾翻本無說

次韻和瑛老頌

默堂前對五松山敵面機鋒一瞬間禪客相逢休擬
議草鞋價直欲誰還

自銅陵行四十里風復作泊江北岸地名

散潭屬淮南

襟帶江淮一望間夕陽艤櫂散潭灣波濤洶湧暮天
闊鷗鷺飄飄漁艇閑風壯又還依北渚雲深不復見
南山溯河千里何時到過去飛鴻不可攀

鏡中漸覺鬢絲多半世勞生可奈何極望不來青足
鳥滿江更起白頭波揚帆賈客風前笛撒網漁人月
下歌自斷此生甘寂寞毗耶歸作老維摩

平生性酷愛江山今日江山滿目前明月清風人寂
寂淡煙輕靄露涓涓波聲撼岸連淮壤鴈陣驚寒入
楚天慨念往來成底事一杯濁酒且安眠

春睡

半生遊宦鬢毛霜依舊圖書對曉牕卯酒一杯春日
暖卧聽鳴榔下清江

居士終朝只念歸日行百里尚嫌遲小牕春夢分明
到歎息啼鳥喚覺時

夜泊繁昌

繫纜繁昌口清江夜渺然寒星隨浪閃孤月向人圓
漢渚乘槎客雲川控鯉仙何須論往事且泛碧波船

試九華朱覲墨

九華山頂老松煙名重初因玉局仙
樣古法精珪並製膠清煤馥玉同堅
試將毛穎輕輕染須遣陶泓細細研
居士年來無戀着惟於三子欲逃禪

未至蕪湖四十里阻風

一夜寒雲凝不開北風吹雨帶潮來
濤翻天末銀山湧浪打沙頭霹靂摧
心在浙西音斷絕身留江左意徘徊
無聊獨酌開懷抱賴有牕間數點梅

草宰執書論方寇事戲成

江浙巨盜起東南皆震驚王師殊未出
赤子若爲情

三十一

果

十一

月初

試贈繞朝策願飛燕將城非因肉食鄙
只欲廟謨成汲黯復妄發終軍思請行
懷親寸心急報國一身輕曹劌亦問戰
申胥還乞兵羣公佐天子努力剪鯢鯨

上元舟中有感

前年扈清蹕玉輦臨端門高廟鼇山綵御諱聳露臺歌吹喧
去年謫沙陽旅泊亦遊觀士女隘衢巷
燈火滿溪山今年道江南艤舟煙水灣
風高不可進極目雲濤翻蜜炬照獨酌
紅爐凌夜寒感事心欲折強歌聲無歡
坐看江邊月飛上青雲端清光不改舊
對我還團圓

夜坐

春夜沈沈燈影明卷書兀坐忽三更不知船外風多
少但聽滿江波浪聲

波濤漠漠雨紛紛夜泊江南煙水村慨念平生都不
寢可憐心事向誰論

至蕪湖聞賊陷錢塘復爲官軍所得有感
督府繁華一掃空須知狂寇計非庸廟堂若爲蒼生
計早築高壇拜卧龍

巨盜乘虛起浙東猖狂如在笑談中錢塘猶喜官軍
復破賊須從此立功

自蕪湖江行至采石

萬頃春江徹底清天風不動鏡泓澄畫船安穩搖空
翠疑在琉璃地上行

江水春來綠似藍臨流高石翠巉巖波恬舟穩已堪
喜况是清風借一帆

阻風泊慈湖夾焚香默禱有長魚躍波面
江豚出沒舟人大驚抵暮風便因命解舟
乘月泛禁江一夕至金陵蓋數百里作二

絕以紀其事

江險而不可行者爲禁江時夾江水落行禁江

江豚出沒白波中十丈神魚躍晚空知是陽侯憐我拙故教來助一帆風

露氣漫漫欲結霜扁舟夜下秣陵江煙波如席月如晝快意倒盡黃金缸

同李似之遊蔣山

北風阻行舟駕言遊蔣山相攜得良友談笑窮躋攀松林靜杳冥殿閣羅煙鬢寶公骨已冷白塔孤雲間乘高望長空極目波濤翻東南正戎馬戈甲照江干

二十七

吳年 四

一五

五五

與子適相遇偷此半日閑懷古六朝遠道舊一笑歡憶昨賜對初接武玉殿班螭砌珥史筆每慙追繼難迂踈與世違謫官墮甌蠻寬恩幸脫去假道來江關邂逅兩萍梗飄泊驚風藩廻首顧淞河不知涕泗漣著鞭願努力世路方多艱

頌示勤老

平生聞說蔣山勤今日相逢過所聞還似泉公喚居士一聲吹散滿天雲

次韻奉酬李似之見贈

吾宗才氣世無雙用與時行捨亦藏殿陛同瞻龍袞
繡螭坳繼染御爐香紫荷持橐將清禁貝葉繡經見
寶坊仄席正思經濟手佇觀趨召侍顛昂

金陵懷古四首

六代兵戈王氣銷山圍故國自周遭豪華散滅城池
古人物摧殘丘塚高阜轉蟠龍翔寶塔洲分白鷺湧
雲濤悠悠世事都如夢且對金樽把蟹螯

六代繁華三百年我來弔古一悽然景陽鍾斷雞空

唱玉

英廟嫌諱

歌沈月自圓潮沒舊痕生晚浦柳搖新色

三才

吳夫

一六

媚晴天高樓上盡窮雙目千里江山遶檻前

六代興亡江上城倦游還向此中行龍蟠虎踞空形
勢井廢臺荒爲戰爭雲氣霏霏春雨急煙波渺渺暮
潮平商人不識前朝恨短笛還爲激烈聲

六代當年恨最長兵戈陵滅故城荒非關霸氣多消
歇自是人謀未允臧王謝風流今寂寞江山形勝亦
淒涼我來正值興戎馬慨念東南更慘傷

登鍾山謁寶公塔

寶公真至人鳥爪金色身材攜刀尺拂語隱齊梁陳

登鍾山頂白塔高嶙峋再拜禮雙足聊結香火因
題定林院
行過鍾山到定林青松一徑白雲深三間古屋昭文
館那有沉迷富貴心

題八功德水

石作方池紫翠崖湛然定水貯瓊瑰何須功德標為
八萬行圓成自此來

題偃秀軒

青葱秀色一軒中俯瞰梁朝萬本松頂覺風雲疑偃
蓋枝蟠雨露若蟠龍四時鬱鬱寧彫葉千載亭亭不
改容却笑宗人生岱嶽佞秦先得大夫封

得家信報避寇海陵

怪底燈花夜夜紅朝來家問始相通田園已在危疑
際骨肉幸安飄泊中子美無家尋弟妹淵明有酒引
兒童我今已勝少陵老稚子候門淮水東

自金陵江行未至長蘆阻風

倏忽風雲接地陰扁舟繫纜暮江潯波濤何必深為
問萬里歸來一寸心

又

七日風不止歸心何似生煙添暮山色風撼滿江聲
淮楚已非遠波濤殊未平坐看雲解駁猶喜晚來晴

過長蘆

達磨當時一葦杭棲棲暗度白沙江不知隻履歸何
處吸盡西江屬老龐

遊長蘆見衆僧已披剃

圓頂方袍復舊儀欣欣便覺衆情熙可憐盡墮狙翁
術暮四朝三元不知

可十九

一八

辰正

梁谿先生文集卷第十



